

NEHEMIA, 1.

hara i te Atua o to outou mau metua ra ia Iehova; e haapao hoi i ta'ns parau: o faataa é hoi ia outou i te mau taata o teie nei fenua e teie nei mau vahine éé. 12 Ua parau maira taua amuiraa rahi atoa ra, na ó maira i te pii-noa-raa, O ta óé á i parau mai ra, ua tía ia matou ia rave. 13 Te rahi nei rá te taata, e and-tau úa hoi teie, e ore matou e tía ia pa-rahi noa i rapae, e ere hoi teie i te ohipe no te mahana hoé e te piti: e feia rahi hoi matou i rave i taua mea nei. 14 E faataa na rá i te feia rarahi atoa i to matou nei amuiraa, e haere mai hoi te feia atoa i to matou nei mau oire i rave i te vahine éé ra i te taimé i haapaohia ra, e te feia paari atoa no te mau oire atoa ra, e te feia haava, e ia ruri-é-hia te riri rahi o to tatou Atua ia tatou i taua mea nei.

15 O Ionatana a Asahela ana'e ra, e o Iahaxia a Tikava tei rave i taua ohipa ra; e o Mesulama, e o Sabetai ati Levi, te tauturu ia raua. 16 E ua na reira te mau tamarii i hopoi-é-hia ra. Ua maíti ihora te tahu'a ra o Ezera i te tahu pae i taua feia rahi matahiapo i te upufare o to ratou ra metua, e ua faaitchia i te i'oa, parahi ihora ratou i raro i te mahana hoé i te marama hoé ahuru, e imi i taua parau ra. 17 E tae a'era i te mahana hoé i te marama hoé ra, hope roa a'era te mau taata i rave i te vahine éé ra.

18 Itea ihora to roto i te mau tamarii a te feia tahu'a ra i tei rave i te vahine éé ra: to te mau tamarii a Iesua a Iozadaka, e to'na man taeco; o Maseia, e o Eliezera, e o Iariba, e o Gedalia. 19 Ua horoa maira ratou i te rima e tuu é ratou i ta ratou mau vahine; e ua hopoi ratou i te hoé mamoe oni no roto i te nānā no ta ratou hara. 20 E to te mau tamarii a Imera ra; o Hanani, e o Zebadia. 21 E to te mau tamarii a Harima ra; o Maseia, e o Elia, e o Semaia, e o Iehiela, e o Uzia. 22 E to te mau tamarii a Pasura, e o Elieonai, e o Ma-

seia, e o Isemaela, e o Netaneela, e o Iozabada, e o Elasa. 23 O to te ati Levi hoi; o Iozabada, e o Simej, e o Kelais, oia hoi o Kelita, e o Petahia, e o Iuda, e o Eliezera. 24 E to te feia himene atoa; o Eliasiba; e to te mau tiai uputa; o Saluma, e o Telema, e o Uri. 25 E to Iseraela atoa ra; to té mau tamarii a Parosa; o Ramia; e o Iexia, e o Malekia, e o Miamina, e o Eleazara, e o Malekia, e o Benafa. 26 E to te mau tamarii a Elama; o Matania, e o Zekaria, e o Iehiela, e o Abadi, e o Ieremota, e o Elia. 27 E to te mau tamarii a Zatu; o Elieonai, e o Eliasiba, e o Matania, e o Ieremota, e o Zebadi, e o Aziza. 28 E to te mau tamarii a Bessai; o Iehohanana, e o Hanania, e o Zabai, e o Atalia. 29 E to te mau tamarii a Bani; o Mesulama, e o Maluka, e o Adaiia, e o Iasuba, e o Seala, e o Ramota. 30 E to te mau tamarii a Pahata-moabi; o Adana, e o Kelala, e o Benaia, e o Maseia, e o Matania, e o Bezaleala, e o Binui, e o Manase. 31 E to te mau tamarii a Harima; o Eliezera, e o Iehia, e o Malekia, e o Semaia, e o Simeona. 32 e o Beniamina, e o Maluka, e o Semaria. 33 E to te mau tamarii a Hasuma; o Matenai, e o Matata, e o Zabada, e o Elipheleta, e o Ieremai, e o Manase, e o Simej. 34 E to te mau tamarii a Bani; o Madai, e o Amerama, e o Uela, 35 e o Benaia, e o Bedeia, e o Keluha. 36 e o Vania, e o Meremota, e o Eliasiba. 37 e o Matania, e o Matenai, e o Iasau, 38 e o Bani, e o Binui, e o Simej. 39 e o Selmia, e o Natana, e o Adaiia, 40 e o Makenadebai, e o Sasai, e o Sarai, 41 e o Azareela, e o Selmia, e o Semaria, 42 e o Saluma, e o Amaria, e o Iosepha. 43 E to te mau tamarii a Nebo; o Ieieia, e o Matitia, e o Zabada, e o Zebina, e o Iadau, e o Ioela, e o Benaia. 44 I rave na taua feia atoa nei i te vahine éé, e e tamarii ta te tahu pae, ta taua mau vahine ra i fanau.

NEHEMIA.

Mo a'era Nehemia i te huru o Ierusalem, ua neseteia ihora e ua pure.

1 TE parau a Nehemia a Hakalia ra. Tae a'era i te marama ra ia Kisilu, i te matahiti hoé tpaau ra, ia'u i Susana i te fare o te arii ra. 2 ua haere maira Hanani, te tahu taese o'u ra, oia e o ve toofanu pue taata no Iuda; ua ui atura

vau ia ratou i te mau ati Iuda i ora ra, o tei toe i te pau ra, e ia Ierusalem atoa hoi. 3 E ua parau maira ratou ia'u, Te toea, o tei toe i te feia i pau i ó a'e i te fenua ra, e ati to ratou e te fanino-rahi-hia: te vai parari noa nei hoi te aus o Ierusalem, o te mau uputa ua ama i te auahi.

4 E ite a'era vau i te reira parau, ua

parahi au i raro ma te oto, e ua auê noa vau i e fanu pue mahana, e ua haapae au i te maa, e ua pure i te Atua o te ra'i. 5 E ua na ô atura vau, Teie to'u hinaaro ia oe, e te Atua o te ra'i, e Iehova, e te Atua rahi, e te mätä'uhia, o tei haapao i ta oe faufaa e te aroha i te feia i hinaaro ia'na, e ua haapao i ta'na ra parau; 6 e faaroo mai to tari'a i teie nei, e hi'o mai hoi to mata, ia ite oe i te pure a to tavini, ta'u e pure noa 'tu ia oe i teie nei, i te rui e te ao, i te mau tamarii a Iseraela, i to mau tavini, e te fa'i nei au i te mau hara a matou a te tamarii a Iseraela i rava ia oe nei. O vau, e te utuafare atoa ô tau metua, ua hara atoa ia. 7 E hamani ino to matou ia oe, aore â i haapao i te parau, e te haapaoraa, e te parau i faaauhia ra, ta oe i parau mai i to tavini ra ia Mose. 8 Te pure nei au ia oe, e haamana'o oe i te parau ta oe i parau a'e i to tavini ra ia Mose, a na ô ai oe ra e, I rave outou i te ino, e purara outou i te mau fenua; 9 ia fariu mai râ outou ia'u ra, e ia haapao mai i ta'u nei parau e ua rave outou i te reira; purara noa outou e tae noa 'tu i te fenua roa ino ra; e haaputuhia mai â outou e au, e aratai mai â vau ia outou i te vahi i haapaohia e au ei vai-raa no to'u nei i'oa. 10 E teie nei, o to oe teie nei mau taata, to oe ia mau tavini, i faarahia e to oe ra mana rahi, e to oe rima puai. 11 Te hinaaro nei au, e Iehova, ia faaroo mai to tari'a i te pure a to tavini nei, e te pure a to mau tavini ra, o tei hinaaro i te mätä'u i to oe ra i'oa; e e faatupu mai hoi oe i te hinaaro o to tavini i teie nei mahana, ia arohahia mai oia e teie nei taata. E hoi pu ai'ua hoi au na te arii.

Te parau i te noaaraa ia Nehemia, e ua haere mai i Ierusalem.

2 E TAE a'era i te marama ra ia Nisana, i te matahiti taau o te arii ra o Aretchasaseta, te vai ra te uaina i mua i tana aro, ua rave ihora vau i tana uaina ra e ua tuu atura i te arii ra. Aita râ tau mata i inoino i mua ia'na, tera â itea. 2 Ua parau maira te arii ia'u. Eaha te mea i inoino ai to mata na, inaha aita oe i pohe i te ma'i? e oto au tena. Mätä'u roa a'era vau, 3 e ua parau atura vau i te arii, Ia ora roa te arii; eaha te mea e ore e inoino ai tau mata, tei vai noa te oire o tau mau metua e to ratou menema ma te ino, e ua ama te mau uputa i te auahi? 4 Ua parau maira te arii ia'u, Eaha to oe hinaaro? E oti a'era ta'u pure i te Atua no te ra'i. 5 Ua parau atura vau i te arii, Ia tia ia oe, e te arii, e te aroha maira oe i to tavini nei, teie to'u hinaaro, e tono oe ia'u i Iuda, i te oire i vaihohia 'i te mau menema o tau mau metua

ra, ia patu faahou vau. 6 Ua parau maira te arii ia'u, (te parahi atoa ra te arii vahine i pihai iho.) Mai te aha te roa o taua tere no oe ra? e afea mai oe e ho'i mai ai? Ua faaite atura vau i to'u maoro, e ua tia i te arii i te tono ia'u ra. 7 Ua parau atura hoi au i te arii, Ia tia ia oe, e te arii, ei leta te ho mai ia'u nei na te mau tavana i tera pae pape, ia tuu ratou ia'u ia haere noa na e tae noa 'tu vau i Iuda ra; 8 e te hoê leta na Asapha, te tia i te vahi ururaa a te arii ra, ia horoa mai oia i te raau ei raau no te uputa o te aumoa o te fare, e no te aua o te oire, e no to'u iho fare. Ua faatia maira te arii i ta'u i ani atu ia'na ra, no te rima hamani maitai o tau Atua ia'u ra.

9 E tae atura vau i te mau tavana i tera pae pape, e ua tuu atura vau i te mau leta a te arii ra. I tono na te arii i te feia raatira o te nuu e te feia puahorofenua ei aratai ia'u. 10 Ite a'era Sanabalata i Horoni, e Tobia tavini ati Amona, e tera maira te hoê taata i haere mai e imi i te maitai o te tamarii a Iseraela, inoino roa a'era raua.

11 Tae atura vau i Ierusalem, e rui toru a'era vau i reira. 12 Ua tia a'era vau i nia i te po, o vau e o ve toofanu pue taata atoa; aita hoi au i faaite noa 'tu i te hoê taata i ta tau Atua i tuu mai i roto i tau sau ia rave i Ierusalem: e aita hoi o reira e puua maori râ tei parahihia e au ra. 13 Haere atura vau i rapae i te po, na te uputa o te peho ra, haere noa 'tura vau na mua 'tu i te apoo pape teni ra, e tae noa 'tura i te uputa repo ra, ite a'era vau i te aua parari i Ierusalem, e te mau uputa i pau i te auahi ra. 14 Haere noa 'tura vau e tae noa 'tura i te uputa pape pihaa ra; e te pape a te arii ra: aita râ e a'a e ô atu ai te puua ia haere. 15 Ua haere ihora vau i tana rui ra na te pae pape, e ua hi'o ihora i te aua, e ua ho'i maira vau na te uputa o te peho ra, e ua ho'i atura. 16 Aore hoi te mau tavana i ite i ta'u e haere ra, e ta'u i rave; aore hoi au i faaite i te ati Iuda, e te mau tahu'a, e te feia mana, e te mau tavana, e te feia e faaitoito i te ohipa ra.

17 Ua parau atura vau ia ratou, Te ite ra outou i to tatou ati, e ua pau Ierusalem, e ua ama te mau uputa i te auahi: tatou e rave e patu i te aua o Ierusalem, atire tatou i te faainohia. 18 Ua faaite atura vau i te hamani maitai o te Atua ia'u; e te parau a te arii i parau mai ia'u ra. Ua na ô maira ratou, E tia tatou e rave e patu; ua faaitoito ihora ratou te tahi e te tahi i tana ohipa maitai ra. 19 Ite a'era râ Sanabalata i Horoni, e Tobia tavini ati Amona, e o Geesema i Arabia ra, ua

vahavaha maira, e ua na ô maira i te tãhitohitoraa, Eaha ta outou i rave na? e mârô à outou i te arii? 20 Ua parau atura vau ia ratou, na ô atura, Na te Atua o te ra'i e faatupu i to matou *Minaaro*; e teie nei, e tia matou o to'na mau tavini e rave e patu; aita râ a outou e tufaa, aita a outou mana'oraa, aita hoi e faufaa i Ierusalemâ nel.

Te mau 'o'a e te paturaa o te feia i patu i te aua ra.

3 UA tia a'era te tahu'a rahi ra o Elia-siba, e to'na ra mau taetasee tahu'a e ua patu ihora i te uputa mamoe ra: ua haamo'a ratou i te reira, e ua faatia i te uputa; mai te pare maira o Mea, e tae noa 'tura i te pare o Hananeela, o ta ratou ia i haamo'a i te reira ra. 2 E muri a'e ia'na ra, ua patu ihora to Ieriko. E muri a'e ia ratou ra, ua patu ihora Zakura a Imeri ra. 3 Area te uputa ia ra, na te mau tamarii ia a Hasena i patu, e na'na atoa i haamau i te mau te'a, e te mau uputa, e te mau rota, e te te'a uputa ra. 4 E muri a'e ia ratou, ua patu ihora Meremota a Uria, a Kozza. E muri a'e ia ratou ra, ua patu ihora Metulama a Berekia, a Meseza-beela. E muri a'e ia ratou, ua patu ihora Zadoka a Baana. 5 E muri a'e ia ratou, ua patu ihora Tekoa ra; aita râ to ratou feia rarahi i rave atoa i te ohipa a to ratou fatu. 6 E te uputa tahito ra, na Iehoiada a Pasea, e o Mesulama a Besodeia i patu; na ratou i haamau i te mau te'a, e na uputa, e na rot., e na te'a uputa ra. 7 E muri a'e ia ratou, ua patu ihora Melatia i Gibeona, e o Iadona i Meronoti, te mau taata no Gibeona, e no Mizeppe, e tae roa 'tu i te terono o te tavana i teie nei pae pape. 8 E muri a'e ia'na, ua patu ihora Uziela a Harahaia, e tiapai auro. E muri a'e ia'na, ua patu ihora Hanania te tamaiti o te hoê haaputu raau, ua faataeta ihora ratou ia Ierusalemâ e tae noa 'tura i te apa meumeu ra. 9 E muri a'e ia ratou, ua patu ihora Rephala a Hura, e tavana no te tahi-pae Ierusalemâ. 10 E muri a'e ia ratou, ua patu ihora Iednia a Harumapha, i pihai iho i to'na iho utuafare. E muri a'e ia'na, ua patu ihora Hatusa a Hasabenia. 11 O Malekia a Harima, e o Hasuba a Pahata-moabi, o tei patu i te vahi toe, e te pare o te mau umu. 12 E muri a'e ia'na, ua patu ihora Saluma (oia e ta'na mau tamahine,) a Halphesa, te tavana o te hoê pae Ierusalemâ. 13 Te uputa o te peho ra, na Hanuna ia i patu, e te mau taata no Zanoa; na ratou i patu, e ua haamau i na uputa, e na rota, e na te'a, e te patu hoi hoê tausani i te kubiti e tae atura i te uputa repo ra. 14 Area te uputa repo ra, na Malekia ia i patu, e tamaiti

na Rekaba, e tavana no te tahi pae i Bete-hakerema; na'na i patu, e ua haamau i na uputa, e na rota, e na te'a hoi. 15 Area te uputa pape pihaa ra, na Saluma a Kola-hoze ia i patu, te tavana o te tahi pae i Mizeppe; na'na i patu e ua tapo'i, e ua faatia i na uputa, e na rota, e na te'a, e te patu i te pape ra o Siloa, i te hiti o te ô a te arii ra, e te e'atia e pou ai i raro mai te oire mai o Davida. 16 E muri a'e ia'na, ua patu ihora Nehemia a Azabuka, te tavana o te tahi pae i Bete-zura, mai te tahi faito i te mau menema o Davida, e tae noa 'tu i te pape i hamanihia ra, e te fare o te feia aito ra. 17 E muri a'e ia'na, ua patu ihora te ati Levi, o Rehuma a Bani. E muri a'e ia'na, ua patu ihora Hasabia, te tavana o te tahi pae i Keila, i tana ra vahi. 18 E muri a'e ia'na, patu ihora to ratou mau taase, o Bavai a Henadada, te tavana o te tahi pae i Keila. 19 E muri a'e ia'na, ua patu ihora Ezera a Iesua, te tavana i Mizeppe, i te tahi vahi i 'aito atoa i te paumaraa i nia i te vairaa mauhaa tama'i i te peho ra. 20 E muri a'e ia'na, ua patu maite ihora Baruka a Zabai i te pae i tae mai taua peho maira e tae noa 'tu i te uputa o te fare o Elisiba, tahu'a-rahi ra. 21 E muri a'e ia'na, ua patu ihora Meremota a Uria, a Kozza, i te tahi vahi, mai te opani o te fare o Elisiba, e tae noa 'tura i te hopea mai o taua fare o Elisiba ra. 22 E muri a'e ia'na, ua patu ihora te feia tahu'a, te mau taata no te vahi atea i Ibridania ra. 23 E muri a'e ia ratou, ua patu ihora Beniamina raua o Hasuba i pihai iho i to'na iho utuafare. E muri a'e ia'na, ua patu ihora Azaria a Maasseia, a Anania, i to'na iho pae fare. 24 E muri a'e ia'na, ua patu ihora Binui a Henadada, i te tahi vahi, mai te fare o Azaria, e tae atura i te mau peho ra. 25 E muri a'e ia'na, ua patu ihora Palala a Uzai, i faito atoa i te peho e te pare i pi'o tia mai i rapae i te fare teitei o te arii, i pihai iho i te sumoa o te tapearaa taata ra. E muri a'e ia'na o Pedala a Parosa. 26 E te Netinimi, tel parahi i Ophela, patu ihora e tae noa 'tu i pihai iho i te uputa pape i te pae i te hiti o te râ ra, e te pare i faaô noa mai i rapae. 27 E muri a'e ia ratou ra, na patu ihora to Tekoa ra i te tahi vahi, tei tiraha tia i te pape rahi i faaô noa mai i rapae, e tae noa 'tura i te patu i Ophela. 28 Ua patu ihora te feia tahu'a, mai te uputa puahorofenua ra i nia maira, te taata atoa i pihai iho i to'na utuafare. 29 E muri a'e ia ratou ra, ua patu ihora Zadoka a Imeri, e na faito atoa ta'na i to'na iho utuafare. E muri a'e ia'na, ua patu ihora Semaia a Sekania, o te tiai i te uputa i te pae i te hiti

o te rā ra. 30 E muri a'e ia'na, ua patu ihora Hanania a Selenia, e o Hanuna, te toono o te mau tamarii a Zalapha, i te tahi vahī. E muri a'e ia ratou ra, ua patu ihora Mesulama a Berekia, i faito atoa i to'na iho piha. 31 E muri a'e ia'na, ua patu ihora Malekia, te tamaiti a te taata tiapai auro ra, e tae atura i te motiras mai a te Netinimi, e ta te feia i hoo ra, e faito a'era te uputa ra o Miphekada, e te paiumaraa i nia i te mas peho ra. 32 E taua paiumaraa i nia i taua peho ra, e te uputa mamoe ra, ropu ihora, na te feia tiapai auro e te feia hoo ra i patu i te reira.

Te tahi ra te mau enemi, te pure ra Nehemia ma te ara.

4 ITE a'era Sanabalata e te patu ra matou i te patu, riri a'era oia, ooo roa a'era, e ua tahi tohito maira i te ati Iuda. 2 ua parau atura oia i tana mau taetaeae e te nun atoa i Samaria, na o atura, Te aha noa ra tera ra mau ati Iuda rii? te faetaeta ra anei ratou? e hopoi anei ratou i te tusia? e oti anei ta ratou ohipa i te mahana hoé? e rave faahou anei ratou i te ofai ama auahi no roto i te patu parari ra? 3 *Te tita toa ra* te ati Amona ra o Tobia i pihai iho ia'na, e ua na o a'era, Ua tiala ana'e te tahi alope i tera ra patu ofai ta ratou e patu a'era, e marua ia i raro. 4 E faaroo mai oe, e to matou Atua, i to matou vahavahania mai; e faaho'i oe i te faaino na ratou i nia i to ratou iho upoo, e tuu atu oe ia ratou ia pau i te fenua e pau ai ratou ra: 5 eiaha e tapo'ihia to ratou ino, eiaha e parahia ta ratou hara i mua ia oe; ua faaroo hoi ratou i te feia patu ia riri. 6 Ua patu rā matou i taua patu ra; te patu atoa ra, a tiai tihia mai ai i te tahi pee ra; ua tae hoi te aau o te taata i taua ohipa ra.

7 Ite a'era Sanabalata, e Tobia, e to Arabia, e te ati Amona, e to Asadoda, e ua patuhia te aua i Ierusalem, e te huru oti ra te mau vahī i parari, riri roa a'era ratou; 8 ua amui a'era ratou atoa, e tii mai e aro ia Ierusalem, ia ore taua ohipa ra. 9 Ua pure ihora rā matou i te Atua, e ua faataa i te feia faehau i te feia i patu i te rui o te ao, i te māta'u hoi ia ratou. 10 Ua na o maira te tahi pae o Iuda, Ua rohirohi te feia hopoi i te hopola, e te rahi nei te nuua; e ore tele nei patu e oti ia tatou ia patu ra. 11 E te na o ra hoi te mau enemi, e ore ratou o faaroo e ite, e rohia-ua-hia 'tu e tatou, a taparahi ai tatou, e ore a'era taua ohipa ra. 12 Ua haere maira te mau ati Iuda parahi i pihai iho ia ratou ra, e ua ahuru te paraurna mai ia matou, Mai te mau vahī atoa ta ratou e

parahi ra, ia haere mai ratou e . . . a'e ia tatou nei.

13 Ua faanoho ihora vau i te mau taata, i te vahī atea i raro i muri mai i te patu ra, e i te vahī i nia 'e, ua faanoho vau ia ratou i to ratou mau feti, ma te 'o'e, e te maehae, e te fana. 14 E oti a'era te reira i te hi'ohia e te haamauhia e au ra, ua parau atura vau i te feia rarahi, e te mau tavana, e te taata atoa, Eiaha outou e māta'u ia ratou; e haamana'o ia Iehova, i te rahi e te mana, a aro ai outou ia ora to outou mau taetae, e ta outou mau tamarii, e ta outou mau tamahine, e ta outou mau vahine, e to outou mau fare. 15 Ite a'era rā to matou mau enemi, e ua itea ia matou, e ua riro ta ratou parau ei mea faufaa ore i te Atua, ua ho'i ana'e atura matou i te patu, o te taata o ta'na ohipa e sti noa 'e. 16 Mai reira mai ā te tahi pae tavini o'u ra i te raveras i te ohipa, e te tahi pae tel mau noa i te mau maehae, e te mau paruru, e te mau fana, e te mau ahū tama'i; e te feia tavana tel muri mai ia i te utua-fare ra o Iuda. 17 Te feia i patu i te patu ra, e te feia i hopoi i te hopola, e te feia i faauta i nia iho, ua rave rima hoé noa i te ohipa, e te tahi rima tel rave i te mauhaa. 18 Te feia i patu ra, ua taamuhia ia 'o'e i te taunpu ra, a rave ai i te patu ra. E o tel faato i te pu ra, tel pihai iho ia ia'u e te tita-raa.

19 Ua parau atura vau i te feia rarahi e te mau tavana, e te taata atoa ra, E ohipa rahi e te purara ē, e ua taa ē tatou i nia i te patu nei, tel te atea ē ā vetahi. 20 E i te vahī ra e ite ai outou i te oto o te pu ra, e horo mai outou i reira ia matou nei: na to tatou Atua e aro i ta tatou tama'i. 21 Ua ohipa ihora matou i taua ohipa ra; e na te tahi pae i tapea i te maehae mai te poi poi mai ā e ia itea mai te fetia ra. 22 Ua parau atura vau i te mau taata i reira ra, E taato te taata atoa e to'na tavini i roto i Ierusalem nei, ei tiala ia tatou nei i te rui, e ia ao a rave ai i te ohipa. 23 Aita a'era vau, e tau mai taetae, e tau mau tavini, e te mau faehau i pee mai ia'u ra, aita a'era matou i iriti i to matou ahū; tii atura te taata i te pape ma te mauhaa atoa i te rima ra.

Te taid ra te ati Iuda i te mea ua riro ei amutarahu.

5 TEIE te mau taata e ta ratou mau vahine i faahapa mai i to ratou mau taetae, i te ati Iuda. 2 Ua parau maira hoi vetahi, E rave rahi matou, ta matou tamarii, te tamaroa e te tamahine; no ratou ta matou sitona e noaa 'i ia amu matou, e ia ora. 3 E ua na o maira hoi e tahi pae, Ua riro to matou nei fenua tel te tarahu, e ta matou mau o

vine, e to matou mau fare, e noa 'i ta matou sitona i te o'e nei. 4 E ua na ô maira te tahi pae, Ua tipee matou i te moni i to matou mau fenua, e ta matou mau ô vine, ei tao'a au'au na te arii. 5 E inaha, hoê o matou hete e to matou mau taeeae, e ta matou mau tamarii, mai ta ratou atoa ra mau tamarii; e, inaha, teie matou a faariro i ta matou mau tamaroa e te mau tamahine ei tavini; e ua riro mau ô hoi ta matou mau tamahine ei tavini i teie nei ô, e ore hoi e tia ia matou ia faaora; ua riro hoi to matou fenua, e ta matou mau ô vine tei ia vetahi ô.

6 Ite a'era vau i ta ratou parau faaha-pa, riri roa a'era vau; 7 ua imi ihora vau i te ravea, ua ui atura vau i te feia rarahi, e te mau tavana, e ua na ô atura vau ia ratou, Te titau na outou i te hoo, outou atoa, i to outou mau taeeae. Ua opua ihora vau i te tahi amuiraa rahi ia ratou; 8 ua parau atura vau ia ratou, Ua hoo-faahou-hia e tatou to tatou mau taeeae ati Iuda, tei hoohia 'tu i te etene, mai tei tia ia tatou ia hoo; e hoo faahou anei hoi outou i to outou mau taeeae i te etene ô? e ei roto ia tatou iho nei anei ratou hoo ai? Ua mamu noa ihora ra-tou, aore i parau mai. 9 Ua parau atura vau, E ere i te parau maitai ta outou e rave na: eita e tia ia outou ia mâtâ'u i to tatou Atua, oi faaino mai te mau etene ta tatou mau enemi ia tatou? 10 O vau atoa hoi, e to'u ra mau taeeae, e tau mau tavini, e tia atoa ia ia titau atu i te moni, e te sitona ia ratou: e faarue na tatou i taua peu hoo nei. 11 E faaho'i na outou, i teie nei mahana, i to ratou fenua, e ta ratou mau ô vine, e ta ratou mau ô olive, e to ratou mau fare; e te tahi tufaa i na tufaa hoê hanere i te moni, e te sitona, e te hinu, e te uaina ta outou i titau ia ratou ra. 12 Ua parau maira ratou, E faaho'i matou, e ore matou e titau faahou atu i ta ratou: e na reira matou i ta oe i parau mai na. Ua parau atura vau i te feia tahu'a, e ua tuu atu vau i te tãpũ ia ratou, e e haapao ratou i taua parau ra. 13 Ua ueue ihora vau i tau ahuru, e ua parau atura vau, Ia na reira mai te Atua i te ueue i te taata atoa i to'na utuafare, e ta'na ohipa, tei ore i haapao i taua parau nei; ia na reirahia oia i te ueue, e ia neneihia 'tu i rapae. Ua parau atoa maira te amuiraa atoa, Amene, e ua haamaitai ia Iehova. E ua haapao atura te taata i taua parau ra.

14 E mai te anctau mai ô i haapao-hia 'i au nei ei tavana no ratou i te fenua ra o Iuda, mai te matahiti taua maira, e tae noa a'era i te matahiti taua e hoê ahuru e ma piti i te hau i te arii ra ia Aratehasaseta, hoê ahuru ma piti

i te matahiti, aita vau e tau mau taeeae atoa i amu i te moa a te tavana. 15 Area te mau tavana i mutaa ihora, ua rave ia ratou i ta te taata, i te pane, e te uaina, e e piti taua sekela ario; e ua faahepo atoa te mau tavini no ratou i te mau taata: aita râ vau i na reira, no te mea, te mâtâ'u ra vau i te Atua. 16 E ua rave tamau hoi au i teie nei patu, aore hoi matou i hoo i te ô; i pu-tuputu mai ai to'u ra mau tavini i te vahi ohipa. 17 Hoê hoi hanere e pae ahuru ati Iuda, e te feia tavana i ta'u amuraa maa, te taa 'tura tei haere mai ia matou no te mau etene i pihai maira. 18 Hoê hoi puatoro, e te mamoe maitai e ono, i haapao-hia na'u no te mahana hoê; e te moa atoa hoi i te rave-atoa-raa na'u; e ua rui ahuru ana'e ra, e uaina ia e rave rahi te huru i te hopoiraa mai i te vairaa ra: o aita vau i titau atu i ta te tavana ra, no te mea e ati rahi to taua feia nei. 19 E haama-na'o maitai mai, e tau Atua e, mai ta'u hoi i rave i teie nei mau taata.

Te ravea a te mau enemi ei faataid ia ratou.

6 ITE a'era Sanabalata, e o Tobia, e to taata Arabia ra o Gesema, e te tahi pae enemi atoa ra, e ua patuhia e au te patu ra, e aita e vahi parari i toe; (aita râ i faatihia e au te mau opani i te tomoraa ra i reira: a) 2 Ua tono maira Sanabalata raua o Gesema i te vea ia'u, na ô maira, E haere mai na oe i te hoê o te mau oire rii, i te vahii atea i Ono ra, ei reira tatou e farerei ai. Te mana'o hamani ino ra raus ia'u. 3 Ua tono atura vau i te vea ia raua, na ô atura, E ohipa rahi ta'u e rave nei, eita e tia ia'u ia haere i raro na; eaha e tia 'i ia'u ia faarue i te ohipa, a haere 'tu ai i ô na ia outou na? 4 E a maha a'era vea i te tonoraa mai ia'u nei, e ua na reira hoi ta'u parauraa 'tu ia raua ra. 5 Ua tono maira Sanabalata i tana tavini ia'u, o te pae ia o te tonoraa mai, ma te leta i tatarahia i te rima. 6 Teie te parau i papaihia i roto i taua leta ra, Ua parau-haere-hia i te mau fenua atoa nei, e o Gesema te tahi ite, e orure hau to oe e to te mau ati Iuda; i patu ai oe i tena na patu, ia riro oe ei arii no ratou mai tei parauhia nei i tei au i taua mau parau nei. 7 E ua faatahia e oe te feia poropheta ia parau haere ia oe i Ierusalem, e ia na ô ra o, E arii tei Iuda nei: e teie nei, e riro taua parau nei i te parauhia i ô te arii ra. E tena na, e haere mai na, e faaau na tatou i te parau. 8 Ua tono atura vau i te vea ia'na, na ô atura, Aore roa ia e parau i ta oe e parau mai na, na to oe iho aa tena i imi. 9 E parau haamâtâ'uta'u ta ratou atoa ia matou, na ô a'era, E paruru to ratou rima e e ore e oti ta ratou

ohipa; e teie nei, e te Atua e, faactaeta mai oe i o'u pue rima. 10 Ua haere ihora vau i te fare o Semaiia a Delaia, a Mehetaabeela, o tei opanihia i roto ra; e ua na 6 maira oia, Mai haere taua i roto rod i te fare o te Atua ra, i roto i te nao, a opani ai i te mau uputa o te hiero: te haere-maira hoi ratou e taparahi ia oe; ei teie nei a rui ratou e tii mai ai e taparahi ia oe. 11 Ua parau atura vau, E tia anei ia taata mai ia'u nei ia horo? o vai ia taata mai ia'u nei o horo i roto i te hiero ia ora? E ore au e tae. 12 E inaha, ite a'era vau e, e ere oia tel fauehia mai e te Atua; ua tarahuhia ra oia e Tobia raua o Sanabalata i na reira mai ai oia ra. 13 I tarahuhia ra oia ia ma'ta'u vau, e ia na reira vau e ia harahia, ia nosa ta ratou pariraa mai ta'u, e ia faainohia vau e ratou. 14 E haamana'o mai oe, e tau Atua, ia Tobia raua o Sanabalata, i ta raua nei mau parau, o te peropheta vahire atoa ia Noadia, e te mau peropheta atoa i hinaaro i te haamata'uta'u mai ia'u.

15 E tao a'era i te tauu ma pae o te marama ra ia Elulu, oti roa a'era tauu patu ra, e pae ahuru e piti tiahapa o te mahana i oti ai. 16 E ite a'era te mau enemi atoa, e ia hi'o mai hoi te mau etene o ati noa 'e, ua pi'o ihora te ratou mata i raro i te taita; te ite ra hoi ratou e mea turuhia mai taua ohipa nei e to matou Atua i oti ai.

17 E rave rahi hoi ta te feia rarahi i Iuda leta i hapono ia Tobia i taua ano-tau ra, e rave rahi hoi ta Tobia i tae mai ia ratou. 18 E rave rahi hoi to Iuda i tãpi atu ia'na, no te mea, e hunoa oia no Sekania a Ara; e ta'na ra tamaiti o Iohanana, te taoto ra ia i te tamahine, a Mesulama a Berekia ra. 19 Ua faaita mai hoi ratou ia'u i ta'na parau maitai, e ta'u ra parau, ua hopoi ia ratou ia'na. E ua hapono mai a Tobia i te leta ei haamata'uta'u mai ia'u.

Te tiai ia Ierusalemia i tuchia ia Hanani raua o Hanania.

7 E OTI a'era to aua i te patuhia, e ua mau na opani ia'u, e ua haapuhia te tiai i te mau uputa e te feia himene, e te mau ati Levi: 2 ua tuu atura vau i tau taeae ia Hanani, o ia Hanania te tiai i te fare o te arii ra, i te faaitoito i Ierusalemia, e taata haapao maitai hoi Hanania e te ma'ta'u hoi i te Atua aita e faito. 3 Ua parau atura vau ia raua, Eiaha e iriti-yave-hia to mau uputa i Ierusalemia nei e ia huru veaven mai te mahana ra; o to tia noa ra ratou i pihai iho, a opani ai i te mau uputa, a ooma ai i te te'a; a tuu ai i te faehau i to Ierusalemia nei, o te taata o tana fa-

aitoioraa, e te taata atoa ei to'na ilio pae fare faaitoito ai. 4 Te rahi ra hoi taua oire ra e te sano, e iti ra te tanta i roto, e aita i oti te mau fare i te patuhia.

5 Ua tuu maira tau Atua i te mana'o i roto i tau aau, e e haaputupu tuu mai i te feia rarahi, e te mau tavana, e te taata atoa, ia taiohia to ratou fanauraa. E ua itea ihora ia'u te ho'e parau fanauraa no te feia i haere mai i mutaa ihora, e ua papahia hoi i roto. 6 Teie te mau tamarii no taua fenua ra, tei haere mai mai roto-mai i te pau, o te feia i hopoi-6-hia ra, ta Nebukanea, ta te arii o Babulonia i hopoi i Babulonia, e ua ho'i maira i Ierusalemia, e i Iuda, te taata atoa i to'na ihora oire mau; 7 o tei haere mai ratou o Zerubabela ma, e o Iesua, e o Nehemia, e o Azaria, e o Baamia, e o Nahamani, e o Moredekai, e o Bilisana, e o Miziparata, e o Bigavai, e o Nehuma, e o Baana. O te taloraa ia o te taata no Ierusalemia. 8 Te mau tamarii a Parosa, e piti ia tausani ho'e hanere e hitu ahuru ma piti. 9 Te mau tamarii a Sephatia ra, e toru ia hanere e hitu ahuru ma piti. 10 Te mau tamarii a Ara ra, e ono ia hanere e pae ahuru ma piti. 11 Te mau tamarii a Pahata-mocabi, no te mau tamarii a Iesua e Ioaba, e piti tausani e vau hanere ho'e ahuru ma vau. 12 Te mau tamarii a Elama ra, ho'e ia tausani e piti hanere e pae ahuru ma maha. 13 Te mau tamarii a Zatu' ra, e vau ia hanere e maha ahuru ma pae. 14 Te mau tamarii a Zakai ra, e hitu ia hanere e ono ahuru. 15 Te mau tamarii a Binui ra, e ono ia hanere e maha ahuru ma vau. 16 Te mau tamarii a Bebai ra, e ono ia hanere e piti ahuru ma vau. 17 Te mau tamarii a Azagada ra, e piti ia tausani e toru hanere e piti ahuru ma piti. 18 Te mau tamarii a Adonikama ra, e ono ia hanere e ono ahuru ma hitu, 19 Te mau tamarii a Bigavai ra, e piti ia tausani e ono ahuru ma hitu. 20 Te mau tamarii a Adina ra, e ono ia hanere e pae ahuru ma pae. 21 Te mau tamarii a Atera ra, ta Hezekia ra, o iva ahuru ma vau. 22 Te mau tamarii a Hasuma ra, e toru ia hanere e piti ahuru ma vau. 23 Te mau tamarii a Bezai ra, e toru ia hanere e piti ahuru ma maha. 24 Te mau tamarii a Haripha ra, ho'e ia hanere ho'e ahuru ma piti. 25 Te mau tamarii a Gibeona ra, e iva ahuru ma pae. 26 Te mau taata no Bete-lehema ra, e no Netopha ra, ho'e hanere e vau ahuru ma vau. 27 Te mau taata no Anatota ra, ho'e ia hanere e piti ahuru ma vau. 28 Te mau taata no Bete-azamavefa ra, o maha ahuru ma piti. 29 Te mau taata no Kiriat-icaria, e o Keplira, e o Beerota, e hitu ia hanere e maha ahuru ma toru. 30 Te mau taata no

Rama e no Gaba, e ono ia hanere e piti ahuru ma hoê. 31 Te mau taata no Mikamasa, hoê ia hanere e piti ahuru ma piti. 32 Te mau taata no Betela e no Ai, hoê ia hanere e piti ahuru ma toru. 33 Te mau taata no te tahi Nebo, e pae ahuru ma piti. 34 Te mau taata no te tahi Elama ra, hoê tausani e piti hanere e pae ahuru ma maha. 35 Te mau taata no Harima ra, e toru ia hanere, e piti ahuru. 36 Te mau taata no Ieriko ra, e toru ia hanere e maha ahuru ma pae. 37 Te mau taata no Loda, no Hadida, e no Ono ra, e hitu ia hanere e piti ahuru ma hoê. 38 Te mau taata no Senaa ra, e toru ia tausani e iva hanere e toru ahuru.

39 Te mau tahu'a ra: te mau tamarii a Iednaia, no te utuafare o Iesua ra, e iva ia hanere e hitu ahuru ma toru. 40 Te mau tamarii a Imera ra, hoê ia tausani e pae ahuru ma piti. 41 Te mau tamarii a Pasura ra, hoê ia tausani e piti hanere e maha ahuru ma hitu. 42 Te mau tamarii a Harima ra, hoê ia tausani hoê ahuru ma hitu.

43 Te mau ati Levi ra: te mau tamarii a Iesua, e ta Kadamiela, na Hodeva, e hitu ahuru ma maha.

44 Te feia himene ra: te mau tamarii a Asapha ra, hoê ia hanere e piti taau ma vau.

45 Te feia tia'i uputa: te mau tamarii a Saluma, e ta Atera, e ta Talamona, e ta Akuba, e ta Hatita, e ta Sobai, ratou atoa ra hoê ia hanere e toru ahuru ma vau.

46 Te mau Netinimi ra: te mau tamarii a Zilha ra, e ta Hasupha, e ta Taboota, 47 e ta Kerosa, e ta Sia, e ta Padona, 48 e ta Lebana, e ta Hagaba, e ta Salamai, 49 e ta Hanana, e ta Gidela, e ta Gahara, 50 e ta Renia, e ta Rezina, e ta Nekoda, 51 e ta Gazama, e ta Uza, e ta Pasca, 52 e ta Besai, e ta Meunima, e ta Nephisesima, 53 e ta Bakabuka, e ta Hakupha, e ta Hara-hura, 54 e ta Bazeluta, e ta Mehida, e ta Haresa, 55 e ta Berekosa, e ta Sisera, e ta Tama, 56 e ta Nezia, e ta Hatipha.

57 Te mau tamarii a te mau tavini o Solomona: te mau tamarii a Sotai, o ta Sophereta, e ta Perida, 58 e ta Iaala, e ta Darakona, e ta Gidela, 59 e ta Saphatia, e ta Hatila, e ta Pokereta, o ta Zebaima, e ta Amona. 60 Taua mau Netinimi atoa ra, e te mau tamarii atoa a te mau tavini o Solomona, e toru ia hanere e iva ahuru ma piti. 61 O taua feia ra teie i haere mai mai Tele-mela mai, e mai Tele-haresa mai, e mai Keruba, e mai Adana, e mai Imera: aita râ i tia ia ratou ia faaito mai i te fare o to ratou metua tane, e to ratou fanauata, e ite atu ai e no Iseraela: 62 te

mau tamarii a Delaia, e ta Tobia, e ta Nekoda, e ono ia hanere e maha ahuru ma piti.

63 Te mau tamarii a te feia tahu'a ra: te mau tamarii a Habala, e ta Koza, e ta Barazilai, o tei rave i te tamahine a Barazilai i Gileada ei vahine na'na, e mairihia ihora i to ratou ra i'oa; 64 ua imi ihora ratou i ta ratou parau fanauraa i roto i te feia i ta'ohia to ratou fanauraa, aita a'era râ i itea: riro atura ratou ei feia viivii, e ua faataa-e-hia te toroa tahu'a. 65 Ua parau atura te tavana ia ratou, eiaha ratou e amu i te mau mea mo'a ra, ia tia maira te hoê tahu'a ma te Urima e te Tumi-ma.

66 Te huru o tava amuiraa rahi atoa ra, e maha ia ahuru ma piti i te tausani e toru hanere e ono ahuru, 67 te taa ra râ te mau tavini, e te mau tavini vahine, e hitu ia tausani i te reira, e toru hanere e toru ahuru ma hitu: e to roto ia ratou ra, e piti ia hanere e maha ahuru ma pae, i te taata himene e te vahine himene. 68 E ta ratou mau puahorofenua ra, e hitu ia hanere e toru ahuru ma ono; e ta ratou mau pheradi, e piti ia hanere e maha ahuru ma pae; 69 e ta ratou mau kamela, e maha ia hanere e toru ahuru ma pae; e ta ratou mau asini, e ono ia tausani e hitu hanere e piti ahuru.

70 E ua horoa maira te tahi pae hui raatira matahiapo ra i te tao'a no taua ohipa ra. Ua horoa maira te tavana i roto i te pueraa ra, hoê tausani darekona auro, e pae ahuru i te a'ua, e pae hanere e toru ahuru i te ahu no te feia tahu'a. 71 E ua horoa maira hoi te tahi pae hui raatira matahiapo i te tao'a i roto i te pueraa tao'a no taua ohipa ra, hoê taua tausani darekona auro, e piti hoi tausani e piti hanere i te mina ario. 72 E tei horoahia mai e te taata atoa ra, hoê taua ia tausani darekona auro, e piti tausani mina ario, e ono ahuru ma hitu i te ahu no te feia tahu'a. 73 Te parahi ra te feia tahu'a, e te mau ati Levi, e te mau tia'i uputa, e te feia himene, e te tanta atoa, e te Netinimi, e Iseraela atoa hoi, i to ratou mau oire; ia tae ra i te hitu o te marama, te mau tamarii ra a Iseraela i roto i to ratou mau oiro.

Te huru o te tatoraa, e te faarooraa i te ture'ra.

8 E TE taata atoa ra ua haaputūputu tahi maira i roto i te aroa i pihai iho i te uputa pape ra; e ua parau atura ratou i te papai parau ra ia Ezera, e hopoi mai i te buka ture a Mose, ta Iehova i parau mai ia Iseraela ra. 2 Ua hopoi maira te tahu'a ra o Ezera i te ture i te aro o taua amuiraa atoa ra, te

tane e te vahine, e te feia atoa e ite i te parau ia taiohia ra, i te mahana hoé i te marama hitu ra. 3 Ua taio ihora oia i taua parau ra i roto i te aroá i mua 'tu i te uputa pape ra, mai te poi-poi mai á e avatea noa 'tura, i mua i te aro o te tane e te vahine, e te feia atoa e ite ra; *faaroo papu atura* te tari'a o te taata atoa i taua buka ture ra. 4 Te tia noa ra taua papai parau ra o Ezera i nia i te hoé tiaraa raau, i hamanihia e ratou no taua taioraa ra; e tei tana rima atau, o Matitia ia i te tiaraa, e o Sema, e o Anaia, e o Uria, e o Hilikia, e o Maaseia; e tei tana rima aui, o Pedaia ia, e o Misaela, e o Malekia, e o Hasuma, e o Hasebadana, e o Zekaria, e o Mesulama. 5 Ua heheu a'era Ezera i taua buka ra i te aro o te taata atoa ra; te teitei ra hoi to'na tiaraa i to te taata atoa, e tei te heheuraa oia i taua buka ra, ua tia ana'e maira te taata atoa; 6 ua haamaitai atura Ezera i te Atua rahi ra ia Iehova. Ua parau maira te taata atoa, ma te hopoi i te rima i nia, Amene, amene: ua pi'o ihora to ratou upoo i raro, e ua haamori ia Iehova ma te mata i raro i te repo. 7 E o Iesua, e o Bani, e o Serebia, e o Iamina, e o Akuba, e o Sabetai, e o Hodia, e o Maaseia, e o Kelita, e o Azaria, e o Iozabada, e o Hanana, e o Pelala, e te mau ati Levi; na ratou i faaite i te taata i te auraa i taua ture ra: *te tia noa ra* te taata i to ratou ra tiaraa. 8 Taio maramarama maite ihora ratou i te ture a te Atua, e ua faaite i te auraa, e ite a'era ratou i taua parau i taiohia ra.

9 Ua parau atura te tavana ra o Nehemia, e te tahu'a papai parau ra o Ezera, e te mau ati Levi, tei haapii i te mau taata ra. E mahana mo'a teie na Iehova to outou Atua ra, eiaha e aué, eiaha e oto. Ua oto ana'e hoi te taata atoa i te iteraa i taua parau ture ra. 10 Ua parau atura oia ia ratou, A haere, e amu i te maa maitai, e inu i te pape maaro, a haponno atu ai i te tahi tufaa na te feia e ere ra: e mahana mo'a hoi teie no to outou Fatu. Eiaha e oto, o te oaoa rá no á ia Iehova ra, to outou ia maitai. 11 Ua mamu ihora te taata atoa i te ati Levi, na ó atura, Eiaha e parau, e mahana mo'a hoi teie; eiaha outou e oto. 12 Ua haere ana'e atura te taata atoa e amu, e inu hoi, e haponno hoi i te tahi vahi i *tei ere ra*, e oaoa hua hoi ratou no te mea, ua ite ratou i te parau i parauhia mai ia ratou ra.

13 E tae a'era i te mahana piti, ua putuputu maira te feia raatira matahiapo ra no te taata atoa ra, te mau tahu'a e te mau ati Levi, ia Ezera papai parau ra, ia ite ratou i te parau i roto i te ture ra. 14 E itea ihora ia ratou e

ua papaihia i roto i te ture a Iehova i parau mai i te vaha o Mose, e *ia tae i te hitu o te marama* e parahi ai te tamarii a Iseraela i roto i te tiahapa i te oroa i te marama hitu ra. 15 E ia tiaoro ratou i taua parau ra, e ia faaite haere a'era i roto i to ratou mau oire, e i Ierusalem, na ó atura, E haere i te mou'a e rave mai i te amaa olive, e te amaa paina, e te amaa hedesa, e te amaa tamara, e te amaa raau rahi ra, ei tiahapa, mai tei papaihia ra.

16 Ua haere atura te taata e ua rave maira i taua mau mea ra, e ua hamani ihora i te tiahapa no ratou, i nia iho i to ratou fare ta vetahi, i roto i te aumoa ta vetahi, i roto i te aumoa i te fare o te Atua ta vetahi, i roto i te aroá i te uputa pape ra ta vetahi, i roto i te aroá i te uputa Epheraima ta vetahi. 17 Ua hamani ihora taua amuiraa atoa mai roto mai i te pau ra i te tiahapa, e ua parahi hoi i raro a'e i taua mau tiahapa ra: aita hoi te tamarii a Iseraela i na reira e mai te anotau mai á o Iesua a Nuna e tae noa a'era i taua mahana ra. Rahi roa a'era to ratou oaoa. 18 Taio-noa-hia ihora taua buka ture a te Atua ra, i tera mahana i tera mahana, mai te mahana matamehai mai, e tae noa a'era i te mahana hopea. Ua haapao atura hoi ratou i taua oroa ra e rui hitu a'era; e tae a'era i te mahana vau ra, e apooraa mo'a ia, mai tei parauhia maira.

Te haapaeraa maa, e te tafarahaparaa o te mau taata ra.

9 E TAE a'era i te mahana tauu ma maha i taua marama nei, ua putuputu te tamarii a Iseraela ma te haapae i te mas, e te ahu oto, e ma te repo i nia iho ia ratou. 2 Ua faataa 'tura te tamarii a Iseraela i te taata éé, e ua tia noa ihora ua fa'i i ta ratou hara, e te haapao ore o to ratou mau metua. 3 Ua tia noa ihora i to ratou tiaraa, e ua taiohia ihora te buka ture a to ratou Atua a Iehova, te hoé tuata i taua mahana ra; e te tahi tuata i taua mahana ra, e fa'iraa ia i ta ratou hara, e ua haamori i to ratou Atua ia Iehova.

4 I reira te mau ati Levi, o Iesua, e o Bani, e o Kadamiela, e o Sebania, e o Buni, e o Serebia, e o Bani, e o Kenani, i te tiaraa i nia i te vahi hamanihia ra, e ua pii hua 'tura i to ratou Atua ia Iehova. 5 E te mau ati Levi, o Iesua, e o Kadamiela, e o Bani, e o Hasabinia, e o Serebia, e o Hodia, e o Sebania, e o Petahia, na ó a'era, A tia, a haamaitai i to outou Atua ia Iehova e a muri noa 'tu: ia haamaitaihia hoi to oe ra i'oa hanahana, o tei teitei roa i nia é ra e ore e taea e te haamaitai e te arue. 6 O oe, oe ana'e ra o Iehova; na oe i

hamani i te ra'i, te ra'i o te mau ra'i, e te nuu atoa i reira, te fenua, e te mau mea atoa i roto ra, te tai e te mau mea atoa i roto ra, e na oe ana'e hoi e tia; e te haamori ra to te ra'i atoa ra ia oe. 7 O oe to Atua, e Iehova, o tei maiti ia Aberama, e na oe oia i aratai mai mai Ura mai, i o te Kaladaio, e na oe i mairi i to'na i'oa ia Aberahama; 8 e ua ite atura oe i to'na auu i te haavare ore i mua i to aro ra, e ua faaau i te faufaa ia'na ra, e ua horoa mai oe i te fenua o te ati Kanaana, e to te ati Heta, e to te ati Amori, e to te Perezi, e to te ati Iebusi, e to te Giregasi, na'na, e ua horoa mai i te fenua ra o Kanaana no to'na ra huaai, e ua faatupu oe i taua parau na oe ra; no te mea e parau-tia ta oe; 9 e ua hi'a oe i te ati o to matou mau metua i Aiphiti, e ua faaroo oe i ta r'ou au'e i te miti uteute ra; 10 e ua faaite oe i te tapao e te ravea taa e i nia ia Pharao, e tana mau tavini, e i nia atoa i te taata atoa o to'na fenua: ua ite hoi oe, e teoteo tei ta ratou rave ia ratou ra. Noa ihora to oe i'oa, mai tei teie nei ia mahana. 11 Ua amaha ihora te miti ia oe i mua i to ratou aro, haere noa 'tura ratou na roto i te moana i nia i te vahi maro; e ua taora ihora oe i te feia i hamani ino mai ia ratou i te moana mai te ofai i raro i te tai rahi ra. 12 E ua aratai oe ia ratou i te pou ata i te ao; e te rui ra i te pou auahi, ei haamaramarama i to ratou e'a ia haere ra. 13 E ua pou mai oe i raro i nia i te mou'a ra o Sinai, e ua parau mai oe ia ratou i nia i te ra'i ra, e ua horoa mai oe i te haapora-tia, e te ture mau e te peu maitai, e te parau-tia: 14 e ua faaite mai oe ia ratou i te sabati mo'a na oe, e ua tuu mai oe i te a'o, e te mau peu, e te ture, i te vaha o to tavini ra o Mose: 15 e ua horoa mai oe i te maa no te ra'i mai ia poia ratou ra, e ia poiha ratou, ua horoa mai oe i te pape na ratou no roto i te mato; e ua parau oe ia ratou e haere e parahi i te fenua ta oe i tapu e e horoa mai no ratou. 16 Area ratou, to matou mau metua, teoteo a'era ratou, e ua maro a'era ratou, aore a'era i faaroo i ta oe parau; 17 aore a'era i haapao, aore hoi i haama-na'o i ta oe mau ravea mana i ravehia e oe i rotopu ia ratou ra; faaetaeta a'era ra ratou e i to ratou maro ra, ua haapao i te ho'e raatira ei faaho'i ia ratou i to ratou ati rahi i Aiphiti ra; area oe, e Atua oe e faaore mai a i te hara, e te aroha noa, e te faaherehere mai, e oro roa e riri vave, e te hamani maitai rahi, aita a'era oe i faarue mai ia ratou. 18 E ia hamani hoi ratou i te kafa faato na ratou, e ia parau ra e, O to atua teie tel aratai mai ia oe mai Aiphiti mai, e rahi roa a'era hoi ta ratou faaoo ia oe;

19 aore a oe i faarue ia ratou i te medebara no to oe aroha rahi: aore hoi taua pou ata ra i faarue mai ia ratou i te ao, ei aratai ra ia ratou i te e'a; e te pou auahi hoi i te po, ei tiarama ia ite ratou i te e'a ia haere. 20 Ua horoa mai hoi oe i to oe varua maitai ei a'o mai ia ratou, e aore hoi i pipirihia e oe ta oe mana i to ratou vaha; e ua horoa mai hoi oe i te pape ta ratou i hiaai. 21 E piti taau hoi o oe matahiti i te faaamuraa mai ia ratou i te medebara, e aore roa ratou i ere; aore hoi to ratou ahu i marau, e aore to ratou avae i eea. 22 E ua horoa mai hoi oe i te mau basileia ra e te mau fenua, ua tufa-hua-hia e oe tei ia ratou. Tei ia ratou te fenua o te arii o Hesebona o Sihona, e te fenua o te arii o Basana o Oga. 23 E ua faarahi hoi oe i ta ratou mau tamarii mai te fetia i nia i te ra'i ra, e ua aratai oe ia ratou i te fenua, ta oe i parau mai i to ratou ra mau metua e haere ratou i reira parahi ai. 24 Ua haere atura hoi te mau tamarii i roto e ua parahi i taua fenua ra, e ua vi ihora to te fenua ia oe, te ati Kanaana, e ua tuu mai oe ia ratou i to ratou rima, to ratou mau arii, e te taata atoa o te fenua ra, ia rave ratou i to ratou hinaaro. 25 E oire etaeta hoi tei pau ia ratou, e te fenua tao'a, e te mau fare, ua i i te mau mea maitatai, e te apoo pape ua oti i te ohia, e te o vine, e te o olive, e te mau raau maa e rave rahi. Ua amu ihora hoi ratou, e paia a'era, e poria 'tura, oaoa roa a'era ratou i te aroha rahi no oe ra. 26 Taiata 'tura ra ratou, e te haapao ore ia oe, faarue ihora i ta oe ture i muri i to ratou tua, e ua taparahi i te mau peropheta na oe tei a'o mai ia ratou ia fariu mai ia oe ra, rahi atura ta ratou faaoo ia oe ra. 27 I tuu ai oe ia ratou i te rima o to ratou mau enemi, o tei faaoo atoa mai ia ratou: ia roohia ra ratou i te ahoaho, e ia tiaoro atu ratou ia oe, ua faaroo mai oe i nia i te ra'i ra; e no to oe ra aroha rahi ua horoa mai oe i te faaora no ratou, o tei faaora ia ratou i te rima o to ratou mau enemi. 28 E hau ihora to ratou, ua ho'i faahou ratou i te parau ino i mua ia oe: vaiiho ihora oe ia ratou i te rima o to ratou mau enemi, e faahopohia ihora ratou: ia ho'i ra ratou e ia tiaoro atu ia oe ra, ua faaroo mai oe i nia i te ra'i: e rave rahi to oe faaoraraa 'tu ia ratou i to oe aroha rahi; 29 e ua a'o atu hoi oe ia ratou, ia fariu mai ratou i te ture na oe: ua teoteo ra ratou e aore i faaroo i ta oe parau, ua hara ra ratou i ta oe parau, (ua rave ana'e hoi te taata i te reira, e ora ia oia i te reira.) Ua iriti maira i te taponu, e ua faaetaeta, e aore a'era i faaroo. 30 E rave rahi ra to oe matahiti i te faaoromairaa ia ratou, e

te a'oraa hoi ia ratou i te varua no oe i roto i te mau peropheta na oe ra; e aore a'era ratou i faaroo, ua tuu oe ia ratou i roto i te rima o te mau taata no teie nei mau fenua. 31 No to oe ra aroha rahi, aita a'era oe i rave haapau roa ia ratou, e aore hoi i faarue roa; e Atua hamanif maitai oe, e te aroha. 32 E teie nei, e to matou Atua, e te Atua rahi, e te puai, e te maita'uhia, o tei haapao i te faufaa e te aroha ra, eiaha ia iti ia oe te mau ati i roohia mai ai matou nei; i to matou mau arif, e te feia mana, i te mau tahu'a nei, e ta matou mau peropheta, e to matou mau metua, e i nia atoa i to oe ra mau taata mai te anoutau mai a o te mau arii o Asura ra, e tae roa a'enei i teie nei mahana. 33 E parau-tia ra ta oe, i te mau mea atoa i roohia mai ai matou ra; aore hoi i hapa ta oe parau, e parau ino ra ta matou: 34 aore hoi to matou mau arif, e to matou feia mana, e to matou feia tahu'a, e to matou mau metua, i haapao i ta oe ture, aore hoi i faaroo i ta oe parau e ta oe ra haapao-raa i tuu mai ia ratou ra. 35 E i roto atoa hoi i to oe ra basileia, ta oe hoi i horoa noa mai ia ratou i te maitai rahi no oe ra; i roto hoi i taua fenua rahi maa ta oe i tuu mai i mta ia ratou ra, aore a ratou i faaroo ia oe, aore hoi i faarue i ta ratou parau ino. 36 Inaha matou i teie nei mahana, ua riro ei tavini i te fenua ta oe i ho mai i to matou mau metua ia amu noa i te maa maitai rahi no taua fenua ra, e inaha, ua riro matou ei tavini i taua fenua nei: 37 e te hopoi nei hoi matou i te maa rahi o teie nei fenua na te mau arii i tuuhia mai e oe i nia ia matou, no ta matou nei hara; e te faahapo nei ratou i to matou nei tino, e ta matou nei mau puua, e rave nei i ratou iho i hinaaro; e ati rahi to matou i teie.

38 E no taua mau parau atoa ra, ua fafau ihora matou i te ho'e faufaa itoito e na oti i te papahia, e na to matou feia rarahi, e te mau ati Levi, e to feia tahu'a, i taati.

Te'oa o te feia i faatia i te faufaa ra, e te huru-o te parau.

10 ETAUA feia i taati ra, o te tavania o Nehemia a Hakalia ra, e o Zidikia, 2 e o Seraia, o Azaria, o Ieremia, 3 o Pasura, o Amaria, o Malekia, 4 o Hatusa, o Sebania, o Maluka, 5 o Harima, o Meremota, o Obadia, 6 o Daniela, o Ginetona, o Baruka, 7 o Mesulama, o Abia, o Miamina, 8 o Maazia, o Bilagali, o Semaia: o na taata tahu'a ra ia. 9 E te mau ati Levi ra, o Iesua a Azania, o Binui to te mau tamarii a Henadada, o Kadamiela; 10 e to ratou mau taeae, o Sebania, o

Hodia, o Kelita, o Pelatia, o Hanana, 11 o Mika, o Rehoba, o Hasabia, 12 o Zakura, o Serebia, o Sebania, 13 o Hodia, o Bani, o Beninu. 14 Te feia raatira ra; o Parosa ia, o Pahata-moabi, o Elama, o Zatu. o Bani, 15 o Buni, o Azagada, o Bebai, 16 o Adonia, o Bigavai, o Adina, 17 o Atera, o Hezekia, o Azura, 18 o Hodia, o Hasuma, o Bezai, 19 o Haripha, o Anatota, o Nebai, 20 o Magapiasa, o Mesulama, o Hezira, 21 o Mesezabeela, o Zadoka, o Iadua, 22 o Pelatia, o Hanana, o Anaisa, 23 o Hosea, o Hanania, o Hasuba, 24 o Halohesa, o Pileha, o Sobeka, 25 o Rehuma, o Hasabena, o Maseia, 26 o Abia, o Hanana, o Anana, 27 o Maluka, o Harima, o Baana.

28 E te toea o te taata, te mau tahu'a ra, e te mau ati Levi, e te mau tiai uputa, e te feia himene, e te mau Netinimi, e te feia atoa i faataa e mai i te mau taata no taua mau fenua ra i te ture a te Atua, e ta ratou mau vahine, e ta ratou mau tamarii tamaroa, e ta ratou mau tamahine, e te feia atoa i ite ra, e tei taa maitai te parau ia ratou; 29 ua ati atura ratou i to ratou mau taeae, i te feia rarahi ra, e ua tapu ihora ratou i te tapu, e e haapao ratou i te ture a te Atua ra, (i tei tuuhia mai e te tavini o te Atua ra e Mose,) e rave a ratou i te mau parau atoa a to tatou Fatu a Iehova, e ta'na atoa ra mau faaauraa, e ta'na mau pe; 30 e e ore matou, e horoa i ta matou mau tamahine na te feia fenua, e ore hoi e rave i ta ratou mau tamahine na ta matou mau tamarii. 31 E ia hopoi mai te feia fenua i te tao'a, e te maa i te mahana sabati e hoo ra, e ore matou e hoo i te sabati, e te mahana mo'a atoa ra: e e ore mato, e faapao i te fenua i te matahiti hitu ra, e ore hoi e titau atu i te hoo. 32 Ua faataa hoi matou i te haapao-raa na matou iho, e e horoa matou i te tufaa toru o te sekela i te mau matahiti atoa, no te haapao-raa o te fare o to tatou Atua; 33 no te maa o te aro, e no te tusia amu i hopoi-tamau-hia ra, e no te tusia tauaahi i hopoi-tamau-hia, no te mau sabati, e no te mau marama ap; no te mau oroa i haapao-tamau-hia ra, e no te mau mea mo'a ra; e no te mau tarachara, ei tataru i te hara a Iseraela, e no te mau ohipa atoa o te fare o to tatou Atua. 34 Ua tuu ihora matou i te kelero i te hopoia mai i te raau a te mau tahu'a, e te mau ati Levi, e te taata atoa, ia hopoia mai e to matou mau fetii atoa ra i te fare o to tatou Atua, i te tau i haapao-hia ra i te mau matahiti atoa, ei tutuiraa i nia i te fata o to tatou Atua o Iehova, i tei papahia i roto i te ture ra: 35 ua parau hoi matou e hopoi mai i te oho matamua o

to matou ra fenuā, e te oho matamua o te mau raua maa atoa i te mau matahiti atoa, i te fare o Iehova: 36 e ta matou mau tamarii tamaroa matahiapo ra, e te fanau'a matamua o te mau puua, o tei papaihia i roto i te ture ra: o te fanau'a matamua o ta tatou mau nānā puatoro, e te mau mamoe, e hopoi mai i te fare o to tatou Atua, i te feia tahu'a o tei rave i te toroa i roto i te fare o to tatou Atua: 37 e e hopoi mai hoi matou i te matamua o ta matou faraoa o'ihia ra, e tei hopoihia e matou i te mau maa i faahotuhia i nia i te mau raua atoa ra, i te uaina e te hinu olive, i te feia tahu'a ra, i te mau piha no te fare o to tatou Atua ra; e te ahuru no te fenua o ati noa "e ta matou mau oire i faapuhia ra, i te mau ati Levi, te rave ra hoi ratou o te ahuru ra. 38 Ei pihai atoa iho hoi te tahu'a te tamaiti a Aarona, i te ati Levi, ia rave te mau ati Levi i te ahuru: e na te ati Levi e hopoi mai i te ahuru no taua mau ahuru ra i te fare o to tatou Atua, i te mau piha ra, i te fare pueraa tao'a ra. 39 Na te mau tamarii a Iseraela e te mau tamarii a Levi, e hopoi mai i te sitona hopoihia ra, e te uaina api, e te hinu olive, i te mau piha ra, tei reira te mau farii o te vahi mo'a ra, e te mau tahu'a e rave ra, e te mau tiai uputa, e te feia himene; e ore hoi matou e faarue i te fare o to tatou Atua.

Te feia tavana, te mau taata i faatia noa, i tei maiti-kelero-hia ra.

11 PARAHĪ ihora te feia tavana no te mau taata atoa i Ierusalemā, e te feia i toe ra, ua tuu ihora i te kelero ia tae mai te ahuru o te taata ia parahi i roto i te oire mo'a i Ierusalemā, e e tooiva ra, ei roto ia i te mau oire atoa ra parahi ai. 2 Ua haamaitai maira te taata atoa i tei faatia noa mai i te parau e parahi i Ierusalemā.

3 Teie hoi tauā feia rarahi i taua fenua ra i parahi i Ierusalemā te parahi ra hoi te taata atoa i roto i te mau oire o Iuda, e i roto i te mau oire atoa o Iseraela, o te taata o to'na vahī; te mau tahu'a ra, e te mau ati Levi, e te mau Netinimi, e te mau tamarii a te feia tavini o Solomona. 4 Te parahi ra te tahi pae i te mau tamarii a Iuda i Ierusalemā, e te mau tamarii a Beniamina. To te mau tamarii a Iuda; no te mau tamarii a Phareza, o Atatia a Uzia, a Zekaria, a Amaria, a Sephatia, a Mahalaleela; 5 e o Maa-seia a Baruka, a Kola-hoze, a Hazaiā, a Adaia, a Ioiariba, a Zekaria, a Siloni. 6 E te mau tamarii atoa a Phareza i parahi i Ierusalemā ra, e maha ia hanere e ono ahuru ma vau i te feia aito ana'e ra. 7 Teie hoi te mau tamarii a

Beniamina; o Salu a Mesulama, a Ioe-da, a Pedaja, a Kolaia, a Maa-seia, a Itiela, a Iesaja. 8 E muri a'e ia'na, o Gabai, e o Salai, e iva ia hanere e piti ahuru ma vau. 9 E te tamaiti a Zikeri, o Ioela, to ratou ia faaitoito, e te tamaiti a Senua ra o Iuda, o te faaitoito tauturu ia i taua oire ra. 10 To te feia tahu'a ra: o Iedaia a Ioiariba, o Iakina hoi. 11 O Seraia a Hilikia, a Mesulama, a Zadoka, a Meraiota, a Ahituba, o te faaitoito ia i te fare o te Atua. 12 E to ratou mau taeae i rave i te ohipa o te vahī mo'a ra, e vau ia hanere e piti ahuru ma piti: e o Adaia a Ierohama, a Pelalia, a Amezi, a Zekaria, a Pasura, a Malekia, 13 e to'na ra mau taeae, e feia raatira matahiapo ia, e piti ia hanere e maha ahuru ma piti: e o Amasai a Azareela, a Ahasai, a Mesilemota, a Imera, 14 e to ratou mau taeae, e feia aito, hoē hanere e piti ahuru ma vau: e to ratou faaitoito ra, o Zabadiela ia a Hagadolima ra. 15 E to te mau ati Levi ra: o Semaia a Hasuba, a Azerikama, a Hasabia, a Buni; 16 e o Sabetai, e o Iozabada, o na taata rarahi ia i o te ati Levi ra, e tei ia raua te faaitoito i te mau ohipa i rapae au atu i te fare o te Atua ra. 17 E o Matania, a Mika, a Zabadi, a Asapha, o te aratai ia i te haamaitai e te pure; e o Bakabukia, o te tauturu ia i roto i to'na ra mau taeae, e o Abada a Samua, a Galala, a Iedutuna. 18 E te mau ati Levi atoa i roto i te oire mo'a ra, e piti ia hanere e vau ahuru ma maha. 19 E te feia tiai uputa ra, o Akuba, e o Talamona, e to raua mau taeae, tei tiai i te mau uputa ra, hoē ia hanere e hitu ahuru ma piti.

20 E te toa o Iseraela, to te mau tahu'a, e te ati Levi, tei roto ia i te mau oire atoa o Iuda, o te taata o to'na parahiraā. 21 Area te mau Netinimi, i Ophela ia i te parahiraā: e to nia i taua mau Netinimi ra, o Ziha ia raua o Gisipa. 22 E te faaitoito i te ati Levi i Ierusalemā ra, o Uzi ia a Bani, a Hasabia, a Matania, a Mika; na te mau himene, i te mau tamarii a Asapha ra, i te ohipa i te fare o te Atua ra. 23 E mea haapaohia hoi e te arii ei tufaa ta te feia himene i te mau Mahana atoa ra. 24 E o Petahia a Mesezebeela, no te mau tamarii a Zera a Iuda ra, tei haapaohia e te arii ei nia ia i te mau parau atoa a te taata ra. 25 E rare rahi hui te ati Iuda i parahi i roto i te mau oire rii i to ratou ihora fenua, i Kiriataraaba, e to reira mau oire rii, e i Dibona, e to reira mau oire rii, e i Iekabezeela, e to reira mau oire rii; 26 e i Iesua, e i Molada, e i Bete-paletā. 27 o i Hasara-suala, e i Bere-seba, e to reira mau oire rii; 28 e i Zikelaga, e i Mekona, e

to reira mau oiro rii; 29 e i Ene-rimona, e i Zarea, e i Iaramuta, 30 e i Zanoa, e i Adulama, e to reira mau oire rii; e i Lakisa, e to reira mau ô; e i Azeka, e to reira mau oire rii. Parahi ihora ratou na Bere-seba e tae noa 'tura i te peho i ô Hinoma ra. 31 Te mau tamarii hoi a Beniamina, mai Geba mai, i Mikamasa, e Aia, e Betela, e to reira hoi mau oire rii; 32 e tei Anatotā, e Noba, e Anania, 33 e Hazora, e Rama, e Gitaima, 34 e Hadida, e Zebolima, e Nebalata, 35 e Loda, e Ono, e te peho ra o te tahu'a ohipa ra. 36 E te mau pūpū ati Levi, tei Iuda te tahi pae i te parahiraa, tei i ô Beniamina te tahi pae.

Te mau tahu'a e te mas ati Levi i pae mai ia Zerubabela ra.

12 TEIE hoi te feia tahu'a e te mau ati Levi i haere atoa mai ratou o Zerubabela a Sealatiela, e o Iesus; o Seraia, e o Ieremia, e o Ezera. 2 E o Amaria, e o Maluka, e o Hatusa, 3 e o Sekania, e o Relueta, e o Meremota, 4 e o Ido, e o Giueto, e o Abia, 5 e o Miamina, e o Moadia, e o Bilega, 6 e o Somaia, e o Ioiariba, e o Iedaia, 7 e o Salu, e o Amoka, e o Hilikia, e o Iedaia. O na tahu'a rahi eia, o to ratou ia mau taeco i te anotau ia Iesua ra. 8 E te mau ati Levi: o Iesus, e o Binui, e o Kadamiela, e o Serabia, e o Iuda, e o Matania, oia e to'na ra mau taeco, o te aratai ia i te haamaitai i roto i te hiero ra. 9 E o Bakabukia, e o Uni, e to raua pae taeco, o tei nia iho ia ratou i te mau pūpū tiai.

10 Fanau a'era ta Iesus o Ioiakima, fanau a'era ta Ioiakima o Eliasiba, fanau a'era ta Eliasiba o Ioiada, 11 fanau a'era ta Ioiada o Ionatana, fanau a'era ta Ionatana o Sadua. 12 I te anotau ia Ioiakima te feia matahiapo tahu'a rahi ra; ta Seraia ra, o Meraia ia; ta Iereinia ra, o Hanania ia; 13 ta Ezera ra, o Mesulama ia; ta Amaria ra, o Iehohannana ia; 14 ta Meliku ra, o Ionatana ia; ta Sebania ra, o Iosepha ia; 15 ta Harima ra, o Adana ia; ta Meraiota ra, o Helekia ia; 16 ta Ido ra, o Zekaria ia; ta Ginetona ra, o Mesulama ia; 17 ta Abia ra, o Zikeri ia; ta Miamina ra, ta Moadia ra, o Piletai ia; 18 ta Bilega ra, o Samua ia; ta Somaia ra, o Iehonatana ia; 19 ta Ioiariba ra, o Matenai ia; ta Iedaia ra, o Uzi ia; 20 ta Salai ra, o Kalai ia; ta Amoka ra, o Ebera ia; 21 ta Hilikia ra, o Hasabia ia; ta Iedaia ra, o Neta-neela ia.

22 Te mau ati Levi i papahia i te anoteu ia Eliasiba, e ia Ioiada, e ia Iohannana; e ia Iodua, e feia rahi metua ratou; e te feia tahu'a, e tae roa a'era i

te hau a'era i Peresia ra. 23 Te mau tamarii a Levi ra, te feia rahi matahiapo ra, ua papahia ia i roto i te parau o te mau mahana ra, e tae roa a'era i te anotau ia Iohannana o Eliasiba ra. 24 E te feia ramarii ati Levi ra: o Hasabia ia, o Serobia ia, e o Iesua a Kadamiela, e to ratou mau taeco i mua 'e ia ratou, tei haapaohia ia ei arue, e ei haamaitai, i te parau hoi a te taata o te Atua ra a Davida, i tera pūpū i tera pūpū. 25 O Matania ia, e o Bakabukia, e o Obadia, e o Mesulama, e o Talamona, e o Akuba, e tei tiai i te pūpū i te tomo i te mau uputa ra. 26 I ora na tele nei mau taata i te anotau ia Ioiakima a Iesua, a Iozadaka, e te anotau hoi o te tavana ra o Nehemia, e ia Ezera tahu'a papai parau ra.

27 E tae a'era i te pūpūraahia te auā o Ierusalemā, ua imi ratou e ua aratai mai i te mau ati Levi mai te mau vahī atoa i parahia e ratou ra, i Ierusalemā, ia haapao ratou i taua pūpūraa rā ma te ocoa, ma te haamaitai, ma te himene, ma te sumebalo, e te nabala, e te kinura. 28 E te feia ite i te himene ra, ua haaputupu mai i Ierusalemā mai te fenua atea e ati noa 'e, e mai te mau oire rii i Netopha; 29 e mai taua vahī ra mai Gilagala, e mai te mau ô i Geba ra e Azamaveta: ua patu ana'e hoi taua feia himene ra i te oira rii no ratou e ati noa 'e Ierusalemā. 30 Ua tamā ihora te feia tahu'a e te mau ati Levi ia ratou iho; e ua tamā ihora hoi i te mau taata, e te mau uputa, e te patu atoa. 31 Ua aratai atura vau i te hui raatira o Iuda i nia i taua patu ra, e ua faatā 'tura vau i e piti pūpū rarahi ei haamaitai, ua haere ihora te hoē pūpū na nia i te patu na to pae atau, na te vahī i haerehia 'tu i te uputa repo ra. 32 E muri a'e ia ratou ra, o Hosaiā, e te tahi pae pue raatira no Iuda, 33 e o Azaria, e o Ezera, e o Mesulama, 34 e o Iuda, e o Beniamina, e o Semaia, e o Ieremia; 35 e te tahi pae tamarii tamaroa a te feia tahu'a ra ma te pu atoa; oia o Zekaria a Ionatana, a Semaia, a Matania, i Mikaiā, a Zakura, a Asapha: 36 e tana mau taeco, o Semaia, e o Azaraela, e o Milalai, e o Gilalai, e o Masi, e o Netaneela, e o Iuda, e o Hanani, ma te mau mauhaa faatohia a te taata o te Atua ra a Davida, e o Ezera papai parau, tei na mua ia ratou. 37 E tae a'era i te uputa pape pihā, tei mua 'tu ia ia ratou, ua haere ihora ratou ra na te e'atia i te oire o Davida, na nia i te patu, i nia 'tu i te fare o Davida, e tae noa a'era i te uputa pape i te pae i te hitia o te rā ra. 38 Ua haere ihora te tahi pūpū o faito a'era ia ratou ei haamaitai, e o vau i muri a'e, e te tahi pae o te mau tanta i nia i te patu ra mai te pare umu i ô

maira, o tao noa n'era i te patu nano ra; 39 e mai nia mai i te uputa i Ephraïma ra, e mai nia mai i te uputa tahito, e mai nia mai i te uputa i'a ra; e te pare i ô Hananeola, e te pare o Mea ra, e tao noa 'tura i te uputa mamoe ra: e tao n'era ratou i te uputa i te tapearaa ra, tia noa ihora ratou. 40 Ua tia noa ihora taua na pipi e piti ra ei haamaitai, i roto i te fare o te Atua, e o vau e te tahi pae o te feia tavana i pihai iho ia'u ra: 41 e te feia tahu'a ra, o Eliakima, e o Maaseia, e o Miniamina, e o Mikaila, e o Elloenai, e o Zekaria, e o Hanania, ma te pu ana'e; 42 e o Maaseia, e o Semala, e o Eleazara, e o Uzi, e o Iehohanana, e o Malekia, e o Elama, e o Ezera. E ua himene pii hua 'tura taua feia himene ra, e o Iezerahia to ratou haamata. 43 E tusia rahi hoi tei hopoihia e ratou i taua mahana ra, e ua oaoa; na te Atua hoi ratou i faaoaca mai e rahi noa 'tura; e ua oaoa atoa te mau vahine e te mau tamarii: e tei te atea ô ra te oaoa o Ierusalemia i te faarooraahia mai.

44 Ua haapaohia te tahi pae i reira no nia i te mau piha vairaa tao'a ra, no te mau mea i hopoihia ra, no te oho matamua, e no te ahuru, ei haaputu i roto i taua mau piha ra, i to roto i te mau ô i te mau oire, i te tufaa i haapaohia e te ture na te feia tahu'a, e te mau ati Levi: oaoa n'era hoi Iuda i te mea te tiai maira te mau tahu'a e te mau ati Levi i te hiero ra. 45 E ua haapao atura ratou i te mea e au no te haamoriraa i to ratou Atua, e to te tamâraa; e ua na reira atoa te feia himene e te mau tiai uputa ra, tei parauhia mai e Davida, e ta'na tamaiti e Solomona. 46 Tei te anotau hoi ia Davida o ia Asaphia tahiito ra i haapaohia 'i te feia himene fanitoito, ei himeno i te himene haamaitai i te Atua. 47 E ua hopoi to Iseraela atoa i te tufaa i te mau mahana atoa ra na te feia himeno e te mau tiai uputa, i te anotau ia Zerubabêla, e te anotau ia Nehemia; e te mau mea mo'a ra ua hopoi ia na te ati Levi; e ua hopoi to ati Levi i taua mau mea mo'a ra i te mau tamarii a Aarona ra.

Te tao tupu ra, e te faaoereraahia e Nehemia ra.

13 TAIO ihora ratou i roto i te buka a Moseo i taua mahana ra, o te taita atoa i te faaorouraa mai; e itea ihora te parau i to papairahia i roto e, eialia roa o ati Amona o to ati Moabi ia ô i roto i te anuiraa a te Atua; 2 no te mea aita ratou i farerei mai i te tamarii a Iseraela ma to inaa e te pope, tarahu atura râ ia Balaama oi rave ia ratou e ia katarahia ratou; riro atura taua katarâ ra ei maitai i to tatou Atua. 3 E ite

a'era ratou i taua ture ra, ua fantaa o atura ratou i taua feia rahi ano'i noa i te ati Iseraela ra.

4 Hou râ ia, o Eliasiba tahu'a, tei ia'na te fanitoito i te piha no te fare o to tatou Atua, te ati ra oia ia Tobia: 5 e ua hamani hoi oia i te hoê piha rahi no'na, ei reira te vaiihoraahia te tusia amu, e te mea no'ano'a, e te mau peu ra, e te ahuru o te sitona, e te uaina api, e te hinu olive, o tei parauhia mai e hopoi na te ati Levi, e na te feia himene, e te feia tiai uputa; e te mau tao'a na te feia tahu'a. 6 Aore râ vau i Ierusalemia i ravehia 'i taua mau mea ra: tao a'era hoi i te toru ahuru ma piti o te matahiti o te arii o Babulonia ra o Arctehasaseti, hâere atura vau i te arii ra, e maoro iti a'era, tuua ihora vau o te arii: 7 e ua ho'i maira vau i Ierusalemia, ite n'era vau i taua parau ino i ravehia e Eliasiba ra i te faatiaraa i to Tobia hinaaro, i te hamaniraa i te hoê piha no'na i roto i te aumoa o te fare o to Atua. 8 Incino roa n'era vau; e ua faarue atura vau i te tao'a a Tobia i rapae i taua piha ra, 9 ua faaue atura vau, e ua rave maira ratou, ua tamâ i taua mau piha ra; e ua faaho'i maira vau i te mau farii o te fare o te Atua, e to tusia amu, e te mea no'ano'a.

10 Ite atura hoi au i ta te mau ati Levi tufaa, nore i horoahia 'tu ia ratou; ua loro ana'e hoi te mau ati Levi, e te feia himene, o tei rave i to ohipa ra, tei to'na vahii tei to'na vahii. 11 Ua ma'uru atura vau i te feia tavana, na ô atura vau, Eaha te fare o te Atua i faaruahia 'i? ua haaputupu ihora vau ia ratou, e ua tun atura hoi i to ratou iho toroa. 12 Ua hopoi maira to Iuda atoa ra i te ahuru o te sitona, o te uaina api, e to hinu olive, i roto i te pueraa ra. 13 Ua haapao atura vau 'i te feia tiai i taua pueraa tao'a ra, o Selemia tahu'a ra, o o Zadoka papai parau ra, e to te mau ati Levi ra, o l'edaia; o ei tauturu ia ratou ra, o Hanana a Zakura, a Matania: e feia haapao maitai hoi ratou, e to ratou toroa ei tufa tao'a ia no to ratou mau taee. 14 E haamana'o mai oe ia'u, e tau Atua, i teie; eialia oe o parai ô atu i te hamani maitai no'u i te fare o tau Atua e to mau ohipa no te reira.

15 Ite atura vau i Iuda i taua anotau ra i te feia i taataahi i te neneiraa vine i te sabati, e to hopoiraa mai i te rûrû sitona, o to faautaraa i te tao'a i nia i te asini; o te faahorora ma ratou i te sabati i te uaina, o te luero vine, o te suke, o to mau hopoihia atoa i roto i Ierusalemia; o ua faaito atura vau i te mahana o tia 'i ia hoo i to maa ra. 16 E ua hopoi maira to Turia i parahi i Ierusalemia i te i'a, e te mau tao'a ôô atoa, e ua hoo i te mau tamarii a Iuda i Ierusa-

kema i te sabati. 17 Ua avau atura vau i taua feia rarahi o luda ra, na ô atura vau ia ratou, Eaha teie nei parau ino i ravehia e outou nei, i faaino ai outou i te mahana sabati nei? 18 Aore anei to outou hui metua i na reira, e aore anei to tatou Atua i hopoi mai i teie nei ino i nia ia tatou nei, e i nia atoa i teie nei oire? te hinaaro na anei outou i te faarahi i te riri o te Atua ia Iseraela nei i faaino ai outou i te sabati nei? 19 E marûmârû a'era i na uputa i Ierusalem ma i mua "e te sabati, ua parau atura vau e ia opanihia ia, e ia oti te sabati a iriti ai; e ua tuu atura vau i te tahi pae tavini o'u i taua na uputa ra, e eiaha ei hopoia e hopoihia mai i te mahana sabati. 20 Taoto ihora te feia hoo tel hoo i te mau tao'a atoa ra i rapae au mai i Ierusalem i e fanu pue mahana. 21 Ua parau atura vau ia ratou, na ô atura, Eaha outou i taoto ai i rapae au mai i te aua nei? i na reira faahou outou, e mau outou ia'u. Aita 'tura ratou i tae faahou mai i te sabati. 22 Ua faaue atura vau i te mau ati Levi, e tamâ ia ratou, e haere mai ratou e tiai i na uputa ra, e ia mo'a hoi te sabati. E haamana'o mai â oe ia'u, e tau Atua, i teie atoa, e faaherehere mai oe ia'u i te rahi hoi o te oe aroha.

23 Ite atura hoi au i taua mau mahana ra i te ati luda, ua faaipoi i te vahine Asadoda, e to Amons, e to Moabi; 24 e parau Asadoda hoi te tahi pae parau a taua mau tamarai ra, eia

'tura e tia ia parau mai i te parau a te ati luda, ta te tahi pae râ, e ta te tahi pae. 25 Ua avau atura vau, e ua a'o atura vau ia ratou; e ua papai au i te tahi pae, e ua hahae i to te tahi pae rouru, e ua faatâpû atura vau ia ratou ia tâpû i te Atua, na ô atura, Eiaha outou e horoa i ta outou mau tamahine na ta ratou mau tamaroa, eiaha hoi outou e rave i ta ratou mau tamahine na ta outou mau tamaroa, e na outou iho hoi. 26 Aore anei te arii o Iseraela o Solomona i hara i taua mea nei? aita râ o'na e faito i te arii i te mau fenua atoa e rave rahi, e te herehia hoi e to'na Atua, i faairi ai te Atua ia'na ei arii no Iseraela atoa; ua hara-atoa-hia râ oia i taua mau vahine êê ra. 27 O outou anei ta matou e faaroo, i te raveraa i teie nei ino rahi, e hara 'tura i to tatou Atua, i te faaipoi poraa i te vahine êê? 28 O te hoê tamaiti ra a Iolada, a Eliasiba tahu'a rahi ra, e hunca ia no Sanabalata i Horoni; tiahi ê atura vau ia'na e reva 'tura. 29 E haamana'o oe ia ratou, e tau Atua, no te mea, ua viivii te toroa tahu'a ia ratou, o te faufaa hoi a te feia tahu'a, e ta te ati Levi. 30 Faataa ê atura vau ia ratou i te mau taata êê ra, e ua haapao atura vau i te toroa o te feia tahu'a e te ati Levi, o te taata o to'na toroa: 31 e no te hopoiaa ra'u ra, i te mahana i haapaohia ra, e no te oho matama ra. E mana'o mai oe ia'u, e tau Atua e, ia maitai hoi au.

ESETERA.

Ahasueru i te faatupuraa i te toroa, o te arii vahine aore i tae.

1 TEI te anotau ia Ahasueru (o Ahasueru teie tel ia'na te hau i na mataeinaa hoê hanere e piti ahuru ma hitu, mai Edu mai e tae noa 'tura i Kusa.) 2 Tei taua mau mahana ra to te arii to Ahasueru parahira i nia i te terono o to'na ra basileia, i te fare arii ra i Susana, 3 i te toru o te matahiti o to'na ra hau, faatupu ihora oia i te tahi amuraa maa na to'ng atoa ra feia rarahi e te mau tavini atoa no'na ra; e te feia e parau i te nuu o to Peresia e to Medai i mua i tana aro, e te feia mana e te mau tavina o te mau mataeinaa: 4 o te faaiteraa ia i te tao'a rahi no to'na ra basileia e te mana hau ê no'na ra, e rave rahi i te mahana, hoê hanere e vau ahuru i te mahana.

5 E hope a'era ia mau mahana, ua faatupu ihora te arii i te hoê amuraa moa e rui hitu a'era, na te mau taata atoa i tae mai i te fare o te arii ra i Susana, te feia rahi e te taata rii, o roto i te aumoa i te ô i te fare o te arii ra: 6 te paruru o taua fare ra e ahu hua maitatai ia, e te teatea, e te ninamu, e te ereere-tape-moana i haamaulhia i te taura vava'i uraura maitai ra, i nia i te porotata ario, e te pou sasa; i faaunaunahia te mau roi i te auro e te ario, i nia iho i te vauvau sasa utente, e te ereere-tape-moana, e te teatea, e te ereere mau. 7 E s'ua auro hoi te farii ia faainu mai ia ratou, e ore râ e mahia ua rave i te tahi a'ua auro ê; e te uaina a te arii e rave rahi, o tel au i te arii ra. 8 Ua haapaohia te ture i taua inuraa ra; e ore e faatinahia; ua na reira hoi te arii i te feia toroa atoa i